

Allannguutissatut siunnersuut

**Uunga siunnersuut: Kalaallit Nunaanni aalisarnermi pisarineqartut isumalluutini
atuinnermut akitsuutaat pillugit Inatsisartut inatsisaat nr. xx, xx.xxx 2017-meersoq**

Pingajussaaneerinninnermi Naalakkersuisunit saqqummiunneqartoq.

§ 1-mut

1. Inatsisissatut siunnersuummi § 6, *imm. 4* kingorna nutaatut *imm. 5* ivertinneqassaaq:

”*Imm. 5.* Qaammatit pingasukkaat ingerlaneranni ukiup siuliani aalisakkamut akitsuuserneqartussaataitaasumut pisassanit tulaanneqartussaataitaangitsunit 10 procentinit ikinnerusut avammut anninneqarnerani, aalisakkap akitsuuserneqartussaataitaasup akitsuuserneqarnerani toqqammavissatut ukiup siuliani qaammatit pingasukkaat pisassat tulaanneqartussaataitaangitsut kingullermik 10 procentinik amerlanerusunik avammut anninneqarnerani agguaqatigiissillugu tunisinermi aki atorneqassaaq, takuuk *imm. 1* aamma 2.”

2. Inatsisissatut siunnersuummi § 7, *imm. 2*, kingorna nutaatut *imm. 3* ivertinneqassaaq:

”*Imm. 3.* Qaammatit pingasukkaat ingerlaneranni ukiup siuliani aalisakkamut akitsuuserneqartussaataitaasumut pisassanit tulaanneqartussaataitaasunit 10 procentinit ikinnerusut pisarineqarpata, aalisakkap akitsuuserneqartussaataitaasup akitsuuserneqarnerani toqqammavissatut ukiup siuliani qaammatit pingasukkaat pisassat tulaanneqartussaataitaasut kingullermik 10 procentinik amerlanerusunik pisaqarfiusumi agguaqatigiissillugu tunisinermi aki atorneqassaaq, takuuk *imm. 1* .”

Siunnersuummut nassuiaatit

Nassuiaatit nalinginnaasut

Allannguutissatut siunnersuutip siunnersuummi aalisagaqatigiiaat ataasiakkaat ukioq kaajallallugu aalisarneqaratik, ukiup ingerlanerani piffissap ilaannaanni aalisarneqartarnerat sillimmartaarfigineqarpoq.

Maanna inatsisip aaqqissuunneqarnerata akitsuut qaammatit pingasukkaat marluk sioqqullugit pisat avammut anninneqarfigisaani imaluunniit tunineqarfigisaanni agguaqatigiissillugu aki atorneqartarpoq. Maanna inatsisip aaqqissuunneqarnerata nassatarisaanik aalisagaqatigiiaat ukiup

ingerlanerani piffissap ilaannaanni aalisarneqartartut, piffissami akitsuusiinermi toqqammaviusumi annikitsuinnarmik aalisarnermulluunniit ingerlatsiviunngitsumut sanillersuunneqarnermikkut annikippallaamik akitsuusiinissamik periarfissiivoq.

Allannguut inatsisissatut siunnersuutip aningaasaqarnikkut kinguneqaataasa nalerneqarnerannik allangortitsinissamik toqqammavissiinnngilaq.

Aalajangersakkanut ataasiakkaanut nassuiaatit

Nr. 1-imut 2-mullu

Allannguutissatut siunnersuutip siunnersuummi aalisagaqatigiiaat ataasiakkaat ukioq kaajallallugu aalisarneqaratik, ukiup ingerlanerani piffissap ilaannaanni aalisarneqartarnerat sillimmartaarfigineqarpoq.

Qaammatit pingasukkaat iluanni ukiup siuliani pisassanit akitsuuserneqartussaataasunit tulaanneqartussaataanngitsunit tulaanneqartussaataasunilluunniit 10 procentiinit ikinnerusut pisarineqarpata, ukiup siuliani kingullermik 10 procentinik annertunerusumilluunniit qaammatini pingasukkaani aalisagaqatigiiaanik akitsuuserneqartussaataasunik tulaanneqartussaataanngitsunik pisaqarnermi agguaqatigiissillugu aki akitsuummik naatsorsuinermi atorneqassaaq.